

Pas yakin tumpaskan BN:

ALOR STAR. Jurnat - Pe-
mimpin Pas menolak saran
Datuk Seri Dr Mahathir
Mohamad supaya Pas melu-
pakan hasrat memben-
tuk kerajaan. sebaliknya
parti itu yakin menewas-
kan Barisan Nasional (BN)
pada pilihan raya umum
akan datang.

Setiausaha Agung Pas,

Nasharuddin Mat Isa,
berkata Pas yang sudah
berjuang selama 51 ta-
hun komited menerus-
kan perjuangan mene-
gakkan Islam sebagai
'Addin' di negara ini dan
tidak pernah berputus
asa untuk mencapai keja-
yaan.

Keyakinan itu berdasar-

kan peningkatan soko-
ngan rakyat, khususnya
Melayu, pada pilihan raya
umum 1999 apabila Pas
memperoleh 27 kerusi
Parlimen.

"Pas sudah berjuang se-
lama 51 tahun. Kami tidak
pernah berputus asa. Graf
sokongan rakyat kepada
kami makin meningkat.

"Hak untuk memilih ke-
rajaan terletak pada ta-
ngan rakyat. Pas menghormati
demokrasi di negara
ini. Kami bersedia untuk
membentuk kerajaan." ka-
tanya ketika dihubungi di
Kota Bharu hari ini.

Bagaimanapun, beliau
mendakwa demokrasi ti-
dak dipraktikkan sepenuh-

Nasharuddin

nya BN apabila kerajaan
menyekat ceramah Pas,
selain tindakan Suruhan-
jaya Pilihan Raya (SPR) in-
gin menaikkan deposit ter-
hadap calon dan mengena-
kan cagarang poster.

"Sistem demokrasi se-
karang dibolot sedikit
demi sedikit oleh Umno
dan BN, seolah-olah tidak

menggalakkan pertandi-
ngan," katanya.

Beliau berkata demi-
kian sebagai mengulas ke-
nyataan Dr Mahathir ke-
tika berucap pada persi-
dangan perwakilan Umno
Bahagian Kubang Pasu,
semalam.

Perdana Menteri ber-
kata, Pas boleh melupa-

kan hasrat menerajui ke-
rajaan kerana rakyat kini
sadar perjuangan parti itu
tidak mencerminkan ciri-
ciri Islam sejati.

Dr Mahathir juga ber-
kata, masyarakat sadar
Pas hanya mahu meme-
cahbelahkan orang Islam
demi kepentingan politik
mereka.